



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

In festo S. Josephi.

[urn:nbn:de:hbz:466:1-51834](#)



EXHORTATIO I.

PRO FESTO S. JOSEPHI.

Duodenos Ejus honoris & gloriae titulos exponit.

T H E M A.

Hoc honore dignus est, quem Rex voluerit honorare. Esther. c. 8.

AUodicea, quæ sparsim liberaliterque concessos referemus, de S. J O S E P H O iisque Patriarcham hunc gloriosum diuina Virginis Sponso celebrabimus.

Scriptura Evangelica commemorat, in unum colligamus; cum protetò magnis laudum praecornis commendatum, ac multiplici gloriæ & honore coronatum esse reperiemus. Hac autem omnia cum Petro de Juliano Cameracensi Episcopo, ac postmodum S.R.E. Cardinali ad numerum duodenarum redigemus: & veluti duodenos lapides pretiosos aureo Veleri innectemus. eoque D. Josephum exornabimus. Vel coronam stellarum duodecim (quomodo in Apocalypsi D. Virginis) Sancto huic fabricabimus, eaque regali stemmate satum coronabimus. Vel è rosis, liliis, cariophyllis, aliisque floribus duodenis Sertum contexemus, quo floridum Deipara Sponsum redimitum exhibeamus. Vel honores duodenos à Cœlesti ASSUERO huic MARDOCHEO mystico largè,

Agè igitur, hæc duodena præconia, seu encomia, velut duodena cimelia, aut sidera, aut flores, aut honorum fastigia recensemus: eo fine, ut S. Josephum magnum, eximium, ac sublimem Sanctum esse, luce meridianâ clarius cognoscamus, quinque singulari honore, amore, obsequio & cultu prosequamur.

Hoc enim honore dignus est, quem Rex voluerit honorare. I. c.

I. Primus itaque D. Josephi honor & gloria est; quod antiquissimâ nobis. s. Joseph
lîsimâque stirpe Regiâ prognatus sit: è Stirpe
& non duntaxat Patriarchas DEO oründus.
dilectos Abraham, Isäacum & Isiaelem;
verum etiam Davidem, Salomonem,
Manassem, Ezechiam, aliósque Reges
Progenitores numerârit, teste Evan-
gelista, qui librum generationis JESU
Christi, Filii David, ab Abrahamo
inchoans, ita demum concludit:

T Jacob

Jacob genuit Joseph, virum Marie, de qua natus est JESUS, qui vocatur Christus. Matth. Cap. 1. In quo verba Doctor Melissinus Homil. 2. super Misericordiam: Ver è (inquit) de domo David, vere de stirpe Regia descendit vir ille Joseph, nobilis genere, mente nobilior. Magna hæc est S. Josephi gloria Nobilitas Generis & sed longe major nobilitas mentis, quæ eximie floruit. Nobilitas apud nos inventa est ad similitudinem illius quæ est apud Deum. Ille apud Deum nobilis est, quem DEUS suā gratiā sibi gratū facit, ita in furo civili nobilis est, quem Princeps suā gratiā gratum sibi & nobilem facit. Dubitate autem an dignus sit, quem Princeps elegit, sacrilegii instar est. Inquit Juris-Consultorum Dux Bartolus in L. 3. C. de crim. sacril. Utrāque Nobilitas conjuncta, major utique gloria & honor est, qua in Sancto Patriarchâ nostro effulget.

II. Alter D. Josephi honor & gloria, quâ à Deo coronatus extitit, est, quod non solum Virginis Matris Mariae, sed & Iesu Christi Redemptoris nostri sit consanguineus: nam & Virgo Beata descendit è Davidis Sanguine; & Christus Davidis Filius nuncupatur; & Joseph ex eodem stemmate & cognatione ortum dicit, Evangelistâ teste: *Misus est Gabriel Angelus à Deo ad Virginem desponsatam viro, cui nomen erat Joseph de domo David.* Si tantus honor est in Francia, esse prognatum Sanguine Regis: quanta erit D. Josepho gloria reginæ cœli, ac cœli terraque Monarchæ Iesu Christi Sanguine junctum esse? Sed & hæc Sanguinis conjunctio nihil ipsi utilitatis peperisset (uti nec Achaz, nec Salomoni, nec aliis Regibus impiis

profuit) nisi gratia divina, Justitia & amicitia ac cognatio spiritualis accesseret; utrāque vero associata, duplex est gloria, quæ in Sancto Josepho mirificè eluescit.

III. Tertius hujus Sancti honor & gloria, quibus exornatus fuit, est quid lacratisimæ Dei Matris sit Sponsus, ipsi Matrimoniu vinculo desponsatus, ut Evangelista commemorat. Virginem desponsatam Viro, cui nomen erat JOSEPH. Et rursus: Joseph Virum MARIE. Non quidem more aliorum virorum carnaliter copulatus; sed calto, virüsōque amore, ac matrimonio junctus. S. Gregorius Nazianzenus landat Gorgonæ Sororis suæ maritum in panegyri funebri, ait: *vultis uno verbo virum describam? Vir erat illius.* Neque enim scio, quid amplius dicere necesse sit. Tantac enim scilicet tam pia & sancta Conjugi. Simili modo, vultis, uno verbo Josephum deprædicem? *Vir erat illius.* Scilicet Dei Matris, quæ nulla in tenus, nec in calis major, excellentior, atque sanctior excogitari potest: nec scio, quid amplius dicere necesse sit. Tantac enim ea est gloria & felicitas, ut magis reperiiri nequeat.

IV. Quartus sancti hujus Patriarche honor & gloria, quæ fuit exaltatus, est, quid fuerit Christi Domini Nominis & Pater legalis, & Filii & Matris obsequiis deputatus. *Pater tuus & ipse* (inquit B. Virgo) dolentes quarebamus. *Luc. 2.* Si præclarus existimatuerit titulus S. Joannis Evangelistæ, omnium ore celebratus, & Christi ore pronunciatus: *Ecce Filius tuus:* Cur non etiam omnium ore celebretur titulus JOSEPH, Vir-

Virginis ore prolatus : *Ecce Pater tuus?* ei trepidanti Angelus in somnis ajebat : Quid majus est Filium esse Virginis ? Quid mirabilius Filium dici Virginis Deiparæ , an Patrem Christi Optimi Maximi ? De Rege Macedonum Philippo Sabelius Orator disertissimus afferebat : Philippe, omnia reliqua tacitus præteribo ; *Hoc unum dixisse sufficiat :* Filium uhabere Alexandrum. O glorioissime Joseph ! omnibus aliis omissis præconiis tuis, hoc unum dixisse sufficiat : Filium te habere D E U M . Filium (inquam) infinita Potentiæ, Sapientia, clementia, opulentia, bonitate ac palchritudine præditum. O quid haec honori & gloria adjici poterit ?

V. Quintus Christi Nutriti honor & gloria, quâ sublimatus fuit, est, quod Virgo sit, & virginitatis titulo decoratus. Quòd enim Beatâ Virgine confidente, S. Joseph perpetua virginitatis Propofitum, Votumque servavit, ex reponso Gabriæli dato post desponsationem, liquet : *Quomodo sis istud, quoniam virum non cognosco?* Unde recte S. Bernardinus Serm. de S. Joseph. Tom. 3. ait : *Credo Ioseph fuisse mundissimum in virginitate, ardentissimum in charitate, altissimum in contemplatione, ut esset adjutorium simile Virginis.* O quantus decor ! quantus honor & gloria !

VI. Sextus Sancti hujus honor & gloria, quod ipsi tanquam Secretario intimo, arcana cœlestia per Angelum revelata sunt ; de Incarnatione, de fuga in Egyptum, de reditu in Nazareth, de redemptione Mundi. Apparens enim

ei trepidanti Angelus in somnis ajebat : Joseph Fili David, noli timere accipere Mariam Conjugem tuam ; quod enim in ea natum est, de Spiritu Sancto est. Si tantus honor est, intima Reguna consilia penetrare ; quanta Josephi gloria est, sublimissima cœli Monarchæ arcana rimari ?

VII. Septimus Cœlestis hujus Secretarii honor & gloria est Justitia : Joseph autem, cum esset justus ; ait Evangelista. Quo nomine non una duntaxat Justitia, virtus specialis intelligitur ; sed Justitia generalis, seu sanctitas vitæ cum Fide, Spe, Charitate, omniumque virtutum honestate intelligitur. Credidit Abraham Deo ; & reputatum est illi ad iustitiam. Credidit & Joseph Deo, Messiam nascitum ex Virgine & Spiritu sancti spiramine, & reputatum est ei ad iustitiam. Verè Eusebius Cesariensis Lib. 7. de Præc. Evang. c. 8. Aderat (inquit) Iosepho libertas animi, pudor eximius, iustitia, modestia, Prudentia summa ; sed pietate in Deum maximè praefabat. Atque in his secundum nominis sui erymon semper crescebat : cui benedictio illa Josephi, Filius Jacob apprimè convenit : *Filius accrescens Joseph, Filius accrescens.* Genes. 49. Pagninus verit : *ut ramus crescens Joseph;* ut ramus fructificans juxta fontem, & proferens flores & fructus omnigena perfectionis & iustitiae. Nónne infans ille, quem Joseph amplectebatur, cujus pedes laxe oculabatur, juxta quem sedebat, dormiebat, vigilabat, & virtutibus crescebat, omnium bonorum fons erat uberrimus ?

T 2

Quām

Quām bene ergo iuxta fontem crevissē
censendus est in justitia & sanctitate
Joseph Filius accrescens , plus quām
alter Joseph Filius Jacob? o quanta laus !
quanta gloria !

VIII.
Nominis
JESU
Promul-
gator.

Ostavum Josephi justi decus est,
quod sanctissimum JESU nomen ,
ab aeterno decretum, atque impositum ,
ab Angelo Gabrielle in tempore re-
velatum, ab ipso Joseph hominibus solen-
niter sit promulgatum nam ubi prohibet
Evangelium, dictum ipsi ab Angelo est:
Vocabis nomen ejus Iesum. Quod & ipse
fidelissime præsticit; subjungitur enim:
Postquam consummati sunt dies octo:
vocatum est nomen ejus & E S U S. O
quantus honor ! quantum tibi debemus,
o Joseph ! quod nobis hoc venerabile
Nomen , in quo omne genu flectitur,
cælestium, terrestrium, & inferorum,
promulgaveris ! Quantum tibi
debenus, quod hoc amabile nomen,
quod est in ore mel mirificum , in aure
dulce canticum , in corde nectar
calicum, patefeceris ?

IX.
Particeps
mysteri-
orum Fidei.

Nonum Viri hujus sancti orna-
mentum est, quod particeps mysterio-
rum Fidei exicerit, & in eis praesentiâ
tot ac tanta Fidei mysteria declarentur.
Christo enim & nato, & a Pastoribus
invento, & circumcisio , & a Magis-
adorato , munieribusque honorato ,
& in templo præsentato, & in medio
Doctorum reperto præsens adiuit
Joseph. Invenerunt (ai) Evangelium)
Mariam & Joseph, & Infantem positum
in praesepio. Tulerunt Puerum JESUM
in Jerusalem (scilicet Joseph & B. Virgo)
ut sifferent eum Domino. Ipse quoties
JESUM tulit in brachiis & quoties

amplexatus ? quoties pectori appresit?
O quanta gratia ! Semel Simeon
Christum in ulnas accepit ; miraque
exhibitatus gaudio , canitum Deo
cecinit : at Joseph non semel, sed sepi-
simè eundem optatisimum Messiam
brachiis tulit & amplexatus est :
quānam ergo cantica , quas gratiarum
actiones corde & ore retulerit ? Recu-
bit semel duntaxat caput Joannis
Evangelista super pectus Christi;
recubuit pectus & caput Christi, in-
tutus Christus super Josephum expe-
si igitur Joannes in signum amori
dictus est Discipulus, quem diligebat Iesu;
quis titulus , quæ laus , quis honor
Josepho debebitur , ad cuius pectus
toties piissimus JESU's recubuit, &
in cuius ulnis toties requievit ? eumque
non solum digito monstravit, ac fene-
dit Sanctus Baptista, sacram ejus veni-
tem tergit ; sed humeris innixum,
in Ægyptum fugiens , deportavit,
ac sollicitudine paternâ præsentissimo
crimini subduxit ?

X. Decimum Josephi encominum
& laus fuit, quod non solum veterum,
sed & novorum Prophetarum oracula
de his edocitus est, quæ Salvatori mundi
veroque Messia in vita decus etiam
eventura : nam Simeon Spiritu sancto
afflatus, benedixit eis & prophetau-
de Christi Passione , ad Mariam
Matrem JESU edixit: Tuam ipsius animam
pertransibit gladius . doloris scilicet &
compassionis in morte Filii. Et phe-
tus est hic in signum , cui contradicatur.
Hæc ipse non solum audire meruit; sed
& ex parte impleri consperit: non enim
duntaxat primus post Virginem ,
Cælestem

Celestem Sponsum, è thalamo prode-
unte in Præfepio Bethlehemitico
vidit, primus adoravit, primus caelitis
mannæ è celo venientis dolcedinem
degustavit, primus post longissimam
noctem Solem orientem intuitus est;
natumque postea enutritiv, coluit,
amavit: sed & Herodis persecutionem
patientem, in Ægyptum detulit,
manuum labore sustentavit, pauper-
tatem, molestiasque inter barbaras
gentes sustinenter, experientia didicit.
Et erat subditus illis. Mirabile quidem
fuit Sollem in celo stare. *Josue c. 10.*
Obediente Domino voci bonitatis. Sed
multò fuit mirabilis, Iustitia Solem
in terras retrogredi, ac descendere,
incarnatumque Deum voci Josephi,
veluti Patris obedire. *Erat enim*
subditus illis. *Luc. 2.* Hec subiectio
(ait Gerson) sicut inestimabilens notas
humilitatem in Christo; ita dignitatem
incomparabilem signat in Joseph & Mariano.
O mira & stupenda novitas: subditur
Deus. *Deinde regnare illis.*

XI. Undecima Jofephi laus & gloria est, quod non solum Propheticā allocutione; sed etiam Angelicā familiaritate & alloquo saepe fuerit recreatus. 1. quidem, cum Incarnatione peracta, dubius fluctuaret, audiit: *Joseph Filius David noli timere accipere Mariam Conjugem tuam.* 2. Imminente Herodis persecuzione, apparuit ei Angelus in somnis dicens: *Joseph, accipe Puerum & Matrem eum & fuge in Egyptum.* 3. Defuncto Herode, tursim Angelus: *Exsurge & accipe Puerum & Matrem eum & vade in terram Iſrael.* 4. Redux intrācl Archelaum pro Patre regnantis veritas, & ab Angelo admonitus, recelit in partes Galilææ. Si honor est vel lemel cum Angelo loqui; quantus erit toties ab Angelo moneri & edoceri? XII. duodecim⁹ honor & gloria Joseph est, quod non solum Dei Mater & calorum Regina ac Domina Angelorum; sed & Dei Filius Rex Regum & Dominus Dominantium ac Monarcha Angelorum iphi subditus fuerit. De Virgine Matre quis dubitat? cum vir sit caput mulieris? Et Sponsa Sponsi sit subdita, ac ejus potestati subiecta, De Filio quoque adiutrix Evangelista;

XIII. Undecima Jofephi laus & gloria servo Dominus; humiliatur homini Deus!

Ecce, Carissimi, hi sunt duodenii honores, à Cœlesti Assuero Josepho, tanquam alteri Mardochæo, decreti: hæc sunt duodena cimelia, Aureo JOSEPHI Velleri infixa: hæc sunt duodena fidera in diadematæ Josephi radiantia: hi sunt duodeni Flores pulcherrimi & odoratissimi, in ejus ferro fragranter. Sic honoratur, sic gloriæ & honore coronabitur, quem rex cœlestis voluerit honorare. Cuinam Sanctorum similia evenire? Plures Sancti oriundi fuere è Prospiciâ Regiâ; sed non è Familia & consanguinitate JESU & MARIAE, veluti Joseph. Plures Sancti fuere Virgines, sed non Virginis Virginum Spousi, ut Joseph. Plures Sancti fuere Prophetæ, & confisi arcatorum cœlestium; sed non adfueré præcipuis Fidei nostra mysteriis, ut Joseph. Plures Sancti fuere iusti, ac sanctitatem illustres; sed non fuere Christi Domini nostri Nutritiæ; Servi fuere, non Patres, ut Joseph. Plures Sancti Angelis fuere familiares; sed non Domestici JESU & MARIAE; nec hos subditos habuere, ut Joseph.

T 3 Omnia

Omnia charismata , in aliis sparsa , in uno Joseph fuere collecta. Imò reliqua quæ alii negata, uni Josepho fuere concessa. Joseph è Stirpe Regiæ oriundus; quid clarius ? Joseph Iesu & Mariæ sanguine junctus , quid honestius ? JOSEPH Deipara Sponsus ; quid amabilius ? Joseph Iesu CHRISTI Redemptoris nostri Nutritius , quid optabilius ? quid majus & excellentius ? Joseph arcana celstium conscius, quid illustrius ? Joseph virginitate , justitiae, laetitate, in Iesum & Mariam potestate inclitus , quid glorioius ?

Quis igitur Sanctorum reliquorum Josepho erit comparandus aut anteponendus ? O quantus Sanctus ! Quam in celo glorioius ! Quam Iesu & MARIAE carus ! Quam potens patrocinio apud Iesum & Mariam ! de quo Sancta Theresia dicere ausa (in vita c.6.) Non memini me aliquid ab eo petuisse , cuius me compotem non reddiderit. Sic igitur honorabitur , quem Deus voluerit honorare. Hunc & nos honoremus, colamus, amemus, invocemus, & opem ejus in die tribulationis certò certius experiemur.

EXHORTATIO II. PRO FESTO S. JOSEPHI.

Ostendit S. Josephum peculiarem esse Societatis IESU Patronum,

T H E M A.

Cum esset sponsata Mater IESU Maria Joseph. Matth.

Facile applicabitur alteri Ordini religioso.

I post Divam Virginem sanctissimam Dei Matrem ullum Sanctorum peculiariter devotione Populus Christianus prosequitur ; iure merito is est D. JOSEPHUS, Sanctæ Virginis Mariæ Sponsus, Christi Domini Nutritius. Omnes enim gratiæ, favores, dona & charismata in aliis Sanctis sparsa , in uno Joseph fuere collecta : imò quæ reliquis fuere negata , uni Josepho fuere concessa. Plures Sancti fuere oriundi è Prospici Regiæ ; sed non è Familia & Sanguine Iesu & Mariæ. Plures Sancti fuere Virgines ; sed non Virginis Virginum Sponsi , ut Josephus. Plures Sancti fuere Prophetæ & consilii arcana celstium ; sed non adsuere principis religionis nostræ mysteriis ut Josephus. Plures Sancti fuere justi , ac sanctitatem illustres ; sed non fuere Christi Nutriti, servi fuere, non Patres, ut Josephus. Plures

S. JOSEPH EST PATRONUS SOCIETATIS JESU.

151

Plures Sancti Angelis fuere familiares; propterea singulari devotione hunc sed non Domestici JESU & MARIE, Sanctum esse colendum? Et quidem nec hos subditos habuere in Josephus. Sic honorabitur, quem Rex Cælestis voluerit honorare. Ob qua præstansissima & sublimissima charismata merito omnis Populus Christianus singulari honore & obsequio tantum Sanctum prosequitur. Ut vero nos in ejus cultu & devotione crescamus, causas nonnullas proferam, quæ illum peculiarem Societatis nostræ Patronum esse, adeoque singulare à nobis devotione colendum ostendent.

I. Titulus primus colendi S. Josephum tanquam peculiarem Societatis Patronum, est, quia fuit Nutritius, & Pater dictus Domini nostri JESU Christi, Societatis JESU, Imperatoris, Dux, & Archistrategi, sub cuius vexillo militat. Ac proinde quidquid obsequiorum in Deum nostrum consultit, à quo & eis & nomen & omnia habemus, id merito sibi quodammodo collatum, grata agnoscit Societas JESU. Quid enim? S. Josephus Christum nondum natum una cum Virgine matre in Bethlehem deduxit, natum adoravit, in brachii gestavit, amissum dolens quæsivit, ut Herodis furori eriperet, in Ægyptum deportavit, & septennio manuum suarum labore aluit, ab injuriis populi barbarici defendit, Dei monitu, Herode mortuo, in terram Iudaæ & in Nazareth reduxit. Quæ omnia ingentia cùm sine beneficia & obsequia, JESU Regi nostro & Capitaneo ac Capiti Societatis IESU cohortis præfita, quis non videt eadem quæque membris ac militibus ejus fuisse exhibita, ac

II. Alter

152 EXHORTATIO II. PRO FESTO S. JOSEPHI.

Il.
Quia
Sponsus
Deiparae.

II. Alter titulus, ob quem Societas
merito D. Josephum tanquam Patronū
peculiarē colit, est, quod sit Sponsus
sanctissimꝝ Dei Matri, ipſi matrimonii
vinculo desponsatus, ut Evangelistꝝ
commemorant. Virginem desponsatam
Viro, cui nomen erat Joseph. Et: Joseph
virum Maria; non quidem more alio-
rum virorum carnaliter copulatus, sed
casto, virtuosōque amore junctus. Atque
hoc titulo 1. Quia Sponsus est Deiparae,
qua est Mater Iesu Imperatoris nostri,
cujus tota est quanta, quanta est, Soci-
tas. 2. quia Mater quōque spiritualis fuit
S. Ignatii Fundatoris Societatis, qui
nove vita Tirocinium positus,
D. Virgini se commendavit, sub ejus
invocatione castitatis votos obstrinxit,
in Monte Serrato ad eam aram se
sacræ militiæ Tironem ei stitit atque
obtulit. 3. Quia Mater quōque fuit
primævæ Societatis atque primorum
decem Patrum, qui Parisiis in Monte
Martyrum in ejus templo ante ejus
eligiem Festo Assumptionis prima
Societatis Iesu incubanula & funda-
menta sub Ejus invocatione jacerunt,
dum Castitatis Voto sese obstrinxerunt:
postmodum Ronis in templo S. Pauli
ante aram ejusdem sanctissimæ Virginis
Professionem solemnum, hæc formulæ:
*coram Sacratissimâ Virgine Mariâ, emis-
serunt, non finè singulari erga Virginem
devotione, ac tenerimæ pietatis lacry-
mis, tum ab Ignatio, tum ab aliis pro-
fulis. His, inquam, de causis omnino
par est, sanctum Josephum, tanquam
Virginis sanctissimæ, Marris suæ spiri-
tualis Sponsum maximâ veneratione,
ut peculiarem Tutearem coli. Et*

quidem è magis, quòd insigniori Casti-
tatis honore Sanctus Joseph resulit;
Virgo enim fuit, & Virginitatis titulus
decoratus, & virginitatis Dei Genitricis
defensor & cultus: ut ex Responso
Virginis Gabrieli dato, post despon-
sationem, liquet: *Quomodo fuit isti
quoniam virum non cognoscet?* Ex quibus
verbis conitat, Virginem, consciente
Sancto Josepho, perpetua Virginitatis
votum ac propotum servasse. Cum igit
tur S. Ignatius singulare à Diva Vir-
gine Castitatis gratiam, & spiritum
obtinuerit, ab eo in universam Soci-
etatem quodammodo propagatum:
pater, quo honore, & devotione casti-
tatis Virginis castissimum Sponsum &
Virginitatis ejus Tutorum prosequi
debeat.

III. Tertius titulus peculiaris
erga Divum Josephum venerationis est
quod S. Ignatius Patriarcha voluit i
facem nobis Filii prætulerit; ac soli-
dissimo Eundem honore profecens,
Familia sua Patronum vitus sit adi-
ville: fuit quippe in ejus cubiculo imago
Divum Josephum, unaque cum Iesu
Deiparam referens; ante hanc & faci-
ficabat ipse & preces fundebat; in
coram hæc ipsa Divi Josephi icona sua
in charta annotationes altari impone-
bat, & dubiis suis consilium, obscurum
lumen flagitabat: ibi Filii observanda
annotabat, neiparæ scilicet Consultrice
& S. Josepho Confiliario, Aupsice, &
Sequeistro. Teltis pariter Ignatianæ
in Josephum pieratis est aureus ille
Exercitorum Libellus, qui Deiparæ
Josephi Sponsa Adjutrice, ac Magillæ
conscriptus, sibi Jolephi actus, more;

officia & affectus accuratè perpendendos proponit, atque ad eosdem pro viribus imitandos (qui optimus hujus Sancti coledi modus est)hortatur & impellit.

Amavit igitur Josephum Ignatius, nec otiosè; sed verbo amavit & exemplo, dum post Christi ac Virginis imitationem sibi, Filiisque suis celeste hoc exemplar, Josephum imitandum non uno in loco prescripsit.

IV. Quartus titulus est, quia ab innumeris ex universa Societate cultus & peculiaris venerationis exemplum præbetur erga Divum Josephum. Neque enim degener à præcelsis Sancti Parentis cogitationibus reliqua fuit Familia Societatis, quæ præcipuum semper in eo locavit operam, ut non solum nominis; sed & amoris in JOSEPHUM JESU Socia fieret, ut hunc JESU Nominis Promulgatorem amandum, celebrandumque, omnibus, quaquà posset, divulgaret. Nec irritus cecidit conatus: præterquam enim quòd in plerisque, que copiosa per Europam sparsa sunt, domiciliis, templo vel sacella, vel Adolescentium Seminaria, ejus nomine insignita recenseat, vel in hac nostrâ Rheni inferioris Provinciâ, quot ejusmodi honoris & amoris reperiuntur Insignia? ab hoc Divo nomen præferunt, eiòemque consecrata sunt templum Novesiense, Gymnasium Embricense & Hildesiente, Sacellum Aquigranense, aliaque. Quin & ut ejusdem Sancti cultum in Asiam, Africam & Americam transferret, & Deipara pariter valentes apud se studiosissimè laboravit Societas: & gratiâ sui Sponsi facit amatores.

V quid

eo quidem fructu, quem publico bonorum omnium solatio literæ ex ultimis alterius Orbis partibus in annas relata renunciârunt. Ex America ita legimus:

Locus nullus sub cælo est, ubi majore solennitate ac latitâ S. Josephi Natalis, quam in Canada America Provincia celebratur, ignibus festivis, tormentorum explosionibus, conventuque hominum, quam unquam frequentissimo dies hic agitur. Primus gentis hujus Regulus salutaribus undis ablutus Josephi nomen accepit. Tanta in Paroquianâ Provincia erga Divi Josephi nomen veneratione, ut tota illa è gentilitate ad Fidem Orthodoxam traducta Provincia S. JOSEPHI Colonia nominetur. Ita quoconque graditur JESU Societas, graditur autem quòd Sol pertingit, cum Nominis hujus gloriâ etiam Nutritiij ejus cultum indefessè propagat.

Longum foret retexere seriem eorum, qui è Societate JESU peculiari Divum hunc cultu & amore fuere prosecuti. Unus omnium loco memorandus venit Venerabilis P. Balthasar Alvarez usque eò proveða sanctitatis, ut Sanctâ Virgine Theresiâ, quæ eum à confessionibus venerabatur, teste, nemo ex ætatis illius hominibus altiori perfectionis gradum tenuerit; huic sacram Ædem Lauretanam pè visitanti Virgo Deipara coram affectabilem se præbuit; utque speciali Sponsum suum Josephum amore & cultu prosequeretur, commendavit. Ita nempe Dei Filius sui amantibus amorem etiam sùx Genitricis insinuat; & Deipara pariter valentes apud se

154 EXHORTATIO II. PRO FESTO S. JOSEPHI.

quid minus ea, quam pallio suo fovere
vifa est, MARIAE Filia, JESU Socia
(Religio) agere queat, quām ut hujus
Nutritiū, illius Sponsum peculiari
conatu ac devotione colendum fusi-
peret?

Illa etiam ingeniosa p̄r reliquis
JESU Sociorum in propagando
S. JOSEPHI cultu industria laudem
meretur, quōd verbo & exemplo
populos ad ejus amorem vocare non
contenti, plurimis idipsum libris de ejus
laudibus, prærogativis, & gloriā
conscriptis & posteritati relictis etiam
mortui agere non delistant. Taceo
Suarios, Canifios, Barradios &
Raynaudos, Salmerones & Bolandos,
Morales & Coretos, Barrios &
Nadasios, Jaquinetos & Allozios,
Masollos & Binetos, aliisque quām
plurimos, qui omnes expedito calamo-
pię mentis sua sensa, & destinata
Josephi amoribus alimenta conscripsē-
re, ut quōd ipsi pertingere non possent,
ibidem in sui ingenii monumentis
Josephum amandum, colendūmque
proponerent.

Quapropter horum JOSÉPHI
Cultorum exemplo, Divum hunc
tanquam peculiarem Societatis nostræ
proponerent.

Patronum veneremur, ut qui non solum
JESU Redemptoris, Salvatoris &
Imperatoris nostri curam gesit,
nobis Eum educavit, & mille obsequiis
prosecutus est; verum etiam sanctissimum
JESU Nomen, quo gloriarunt
Societas. Eadem in Circumlocutione
imposuit. Deinde hunc castissimum
Virginis castissimum Sponsum, &
Deiparæ Matris nostræ Societas
amantissima Conjugem ejus exemplo
amore singulare complectamus. Exem-
plo Sancti Patriarchæ nostri in dubiis,
in obscuris atque perplexis ad Eum
velut Consiliarium, & Lumen nostrum
cum fiduciâ recurramus. Ac denique
cum tot illustribus Societatis nostræ
Viris Magni hujus Sancti cultum,
honorem, & venerationem verbo &
exempli Scriptis & libris quaenamque
propagemus. Ita vicissim S. JOSÉPHI
primus JESU in terris degentis Socia,
qui JESUM in terris commorarentur
tuitus est, educavit, protexit, defendit,
cum JESU ulla ejus auxiliis
haud amplius indigente in JESU Socia
curam, oculos, & affectum dirigeat,
eosque sibi devotissimos paterni suæ
protectione protegere, regere atque
defendere non dedignabitur.



EXHOR.